



廣西通志卷一百六

山川略十三

山十三

太平府

崇善縣

崇山卽舜放驩兜處唐沈佺期有從崇山向越裳

詩朝發崇山下暮坐越裳陰西從杉谷度北上竹

谿深按竹谿古道明水杉谷古崇岑九真圖云崇

山至越裳四十里杉谷起崇山竹谿從道明國來

於崇山北二十五里合歌缺

歌缺赤雅作歌欽

藤竹明妹

有三十峰夾水直上千餘仞諸仙窟在焉楊用修

以爲當在交廣之域似卽其地也

名勝志

金櫃山縣東一里

一統志

在江之東山形如櫃其中

虛明可容百人

名勝志

石壁百尋麗水經其下山腰

有小徑濶三尺許可以橫渡明御史毛伯溫討安

南還勒元老壯猷平交偉績八字於其上

金志

幞頭山與金櫃山相近以形似名

一統志

筆架山縣東一里其北曰簷笏山筋竹山上多產

竹

方輿紀要

尖峰峰尖而秀如卓筆然

同上

鄧巖縣東一里

一統志

郡人鄧祥龍讀書於此刻鄧

巖二字于石

金志

感谷巖縣西一里上有進賢石下瞰江流形如石

闕

方輿紀要

銀山在城對岸有洞深黑昔有人秉炬方入未數

步悶極遂返

金志

連元山在文廟對江高壓羣峰巔有三層如磨盤
皆巉石環繞上鑿連元字

文奎山縣東二里麗水繞其下山勢聳立學宮向
之舊名將軍山魯鐸使安南易今名

淨瓶山縣西北二里形如瓶

俱同上

蛾眉山縣東三里屹立雲表

一統志

烟雨晴霽望如

蛾眉

金志

隴峽山縣南三里

一統志

石門山縣北三里江中巨石峙立中通如門

名勝志

五廩山縣東四里山多羊桃子俗名五廩子

志一統

鰲頭山縣東北四里卽鰲山也頂有方石長八尺

四面花闌中有石紋自然成樹如丹桂狀

名勝志屹

立江心春夏波濤衝激有聲如雷俗名雞籠山

一統

志明太守李友梅建塔三層於上康熙間太守徐

越續建四層至今崔巍改觀

金志

明錢溥詩江

睡中擎天一柱獨障水東馳霖雨多需望風雲每

護持憑誰一點化高躍向天池

國朝查禮詩

嵯峨鰲背山笑兀江心時浮圖插其巔直向雲霄

起放舟泊山根黛色落秋水磴道盤巉崑天風忽

可倚獨立斤流中孤標障烟裏驚濤撼不動鰲足

入地底俯聽猿嘯哀低看飛鳥止遙蹀壺城閒蒼

茫暮色紫旋轉礙雲過望望已

千里巍然南天南萬古青無已

白雲山縣東北四里方巖連亘如立屏然有七洞

相連而白雲最勝一統志洞口懸石叩之作鐘聲夜

靜有光如燈出入洞門人謂之佛燈下有白雲泉

名勝志國朝甘汝來詩一水潌青帶層巒聳

白巖大還畱藥竈小有關壺天許臥陶宏景曾來

葛稚川盪胸雲壑在身世已悠然查禮白雲洞

詩白雲在天不可招如何墮地卷盲飈吹過壺城

亘江外逶迤山勢森嶢嶢層層疊疊色蒼秀一穴

門闢山之腋我欲高攀苦無路取徑石罅如猿跳

側肩仰面更跼蹐捫蘿附葛穿空繆騰踔驚心似

夢忽兩耳惟聽風蕭蕭脫險喘定入山腹穹窿軒

豁宛夏屋鸚鵡峰小當洞門怪藤延蔓翠堪掬洞

中苔蘚不識雨露幾萬年朝入暮出惟有上古未

死老蝙蝠倒挂朶朶芙蓉青四圍斑斕列玉屏鐘

聲鼓聲竝附石夜半佛火山通靈鬼神呵護斷人

跡遐荒萬里遊展會幾經遠水繞郭煙繞汀夕陽

西薄寒林垌摩挲周璞題崖大書字不意先我搜

奇擬勒

息心銘

燈架山縣北四里高聳尖秀望之巍然

志一統

壁山縣東五里山下有池其後一小溪春雨水漲

深洞如壁色故名

金志

龜公山縣北五里山有巖二層如樓閣然石筍參差列於巔壁

回陽洞縣南五里舊名和尚巖昔有老僧禪定洞中趺坐而化知府江一桂同周璞遊此至夕見燭照洞中因改今名

鳳凰山古名鷓鴣山縣北五里山頂奇石卓立如鳳展翅

隴口巖縣北六里與壺關城爲唇齒

俱同上

鐘鳴巖縣北六里俯瞰麗江可容數十人有懸石

扣之聲如鐘磬明總督張岳書鐘鳴洞三大字於

石壁

府志

佛子嶺府城南門對河十里與土江州分界處

同上

玲瓏山縣北十里山峰峻峭石壁玲瓏故名與螺

山相去三里

金志

青連山縣北十里太平之鎮山也

金志

山色青碧自

安南廣源州發脉由上下凍州治北東達府境綿

亘二三百里

一統志

峰巒矗立青翠相連故名

名勝志

青山巖在青連山之陽崑高濶深廣奇勝不一巖

中之土可以煎硝

方輿紀要

石乳懸綴奇怪萬狀脫函

成堆蓋異境云

名勝志

大嶺山縣北十五里土官趙暹焚石成堦爲通諸

土司孔道山之開鑿自進始去山半里有狐掘泉

金志

崇官山在舊縣北二里其山空洞竅通於江

名勝志

葩翠山恩城縣丞署後巖石玲瓏因名小玲瓏

縣志

查禮詩巖小蓬竇頗玲瓏絕磻亦深窈飛梁接危

峰老樹藤蘿繞亭榭盡凋殘落葉滿磴道聞當夏

秋時山趾水迴抱雨餘生積陰烟波增浩渺我來

霜後天清景俱銷眺杖策信忘疲境

靜人語情長嘯引松風空翠落林杪

龍級山在恩城東二里盤旋高峻層級而上

一統志

黃畱山在恩城南三里隔河

隴馬山在恩城東南四里高聳如馬

隴育山在恩城西南十一里與安平州接界

俱同上

疊翠峰在恩城東半里

府志

雲巖在恩城南

弄隈山在恩城北里許

夫婿山在那敏村距恩城三里許

俱同上

叫唵山在黃村距恩城十里接養利州界

一統志

神山在畢村距恩城三十里峭壁如削上有一孔

如門其中深廣不可窺測每靜夜有鬼燐入之卽

聞呼喝鞭扑之聲又或有儀仗出入主鄰境有達官

殞山下有泉冬溫夏涼更多茂林人不敢伐

府志

左州

金山州西北一里平地突起壁立數仞前有通幽

小巖踰鐵橋入石門爲一州之勝境

一統志

州西北

有金山

明史地理志

有巖曰通幽奇峰錯峙怪石環列

上有架壑亭鐫金山二字亭後有流霞峰最高登

之則八表在目雙清獨秀諸峰皆聯絡焉

名勝志

上

有寺聯絡三十六峰旁一壁峭立鐫龍光在望字

山勢空靈洞闢外有孤峰獨峙倒插如雲

金志

天燈山州南門外以常見仙燈故名

名勝志

龍泉山州東二里下有龍泉

一統志

雲巖山州東三里巖有二層平廣如一中多奇乳

作雲物花草狀亦名雲州山又云落成巖

名勝志四

面平疇一峰聳峙高可遠眺望諸峰如趨如伏如

臥如隨青原綠野曲水平遠殊快心目

府志

柏嶺州南三里一名墨山

一統志

一名北山巖中虛

敞可容百人

方輿紀要

隈曲盤旋巧緻足觀前有二坎

深不可測後有拱臺若金猊座旁垂石乳又如白

龍狀座上有蓮花瓣正似米麥木樨堆積萬點叩

之鏗然有聲

名勝志

角勢嶺州西門外兩峰相對如角勢然

府志

獅子山州東南五里

馬鞍山州西五里

感國嶺州北五里

俱同上

博感山州東南八里之布亮村巖洞泉石類皆幽

勝

方輿紀要

一水中流奇峰對列若烟雲花卉之狀水

隔處輒負浮槎以渡之詰曲環繞約里許旁通小巖皆可遊觀有擎雲羅漢佛子度關諸臺瓊花通天石鼓諸洞及洗心池羽化菴皆天然之妙不費

雕琢

名勝志

華父山州西南十五里

府志作十里

石牙盤錯竅通穹

窿

金志

泉石甚勝

方輿紀要

有泉成澤四面環繞春夏一

望汪洋秋冬澄涵如鏡

府志

鶴洞州西南十五里山巖聳峭有四洞中多怪石

旁有陂塘春水溢多生魚菰秋高野鶴羣聚和鳴

聲聞數里

府志

一名通明巖今又作叫鶴巖

金志

崑山州西二十里

金志

紅泥嶺州西三十里

跨龍山州西二十里

俱同上

麒麟山州西二十五里挺特蒼秀州治發脈之山

也

府志

九峰山州南四十里山峰聯屬不斷

李志

銀甕山州西四十里下臨長江削壁絢綵如人馬

旌旗之狀

一統志

在新村山頂有洞以古仙埋有數

十銀甕於此故名

名勝志

芙蓉山州西南五十里初日照之鮮妍可玩

李志

淋巖在模村入巖二十步幽窈深黑

金志

有野龍潛

伏其中村婦每欲見之則盛飾唱土歌入巖龍乃

出馴柔若素習者入村婦懷中盤伏良久乃去間

脫下遺鱗婦珍藏而歸以爲獲神之貺若侮褻之

雷雨驟至

名勝志

養利州

小印山州西一里平地突起如印有崑空洞玲瓏

穿透

一統志

其形方正蒼秀奇特

名勝志

帽山州北一里形如幞頭州之後屏

李志

弄月石州東南二里田中一大石高如臺圓如月

上下相映人登其上如在月中名勝志一名弄月臺

一統志

武陽山州東四里孤峰獨立四面水繞一統志下有

雷壇遇旱禱之卽應李志有武安洞武陽水出焉方輿

紀要

古嵩山州南四里形如屏風一統志

金馬山州西六里玲瓏聳峙爲州之勝方輿紀要

隴慢崗州北十里萬山環列僅通一路中有水穴

奇勝一統志一起一伏莫測其源府志

榜冕崗州東二十里樹木蔚茂舊設有崗官今廢

一統志

武能洞州東三十里二山夾水極爲扼塞

勝奇山州南三十里爲州之門戶

上俱同

散花嶺州西三十里廣濶多花木

一統志

昔傳土官

追呂仙至此見白馬騰空花落墜因名

李志元陳孚

度散花嶺詩絕壁三千丈荒烟八九家黃茆青草
瘴黑質白章蛇橄欖高懸子芭焦倒吐花嶺頭一

回首何處
是京華

養山州西北三十里蒼翠蓊鬱綿延甚遠州蓋以

此山及利水爲名

一統志

觀音崑州東四十里其崑離平地十餘丈平廣可

坐百人石壁有菩提大士像崑下有弄月鏡臺二

石

李志